

# 中山大学

## 二00七年港澳台人士攻读博士学位研究生入学考试试题

科目代码: 357

科目名称: 中国哲学原著研究

考试时间: 4 月 22 日 上午

### 考生须知

全部答案一律写在答题纸上, 答在试题纸上的不得分!  
答题要写清题号, 不必抄题。

陈述各段大意, 并评论其中所包含的观点 (每题 20 分, 共 100 分):

1. 乃若其情, 则可以为善矣, 乃所谓善也。若夫为不善, 非才之罪也。恻隐之心, 人皆有之。羞恶之心, 人皆有之。恭敬之心, 人皆有之。是非之心, 人皆有之。恻隐之心, 仁也。羞恶之心, 义也。恭敬之心, 礼也。是非之心, 智也。仁义礼智, 非由外铄我也, 我固有之也, 弗思耳矣。故曰: 求则得之, 舍则失之。或相倍蓰而无算者, 不能尽其才者也。(《孟子》)
2. 人何以知道? 曰: 心。心何以知? 曰: 虚壹而静。心未尝不臧也, 然而有所谓虚。心未尝不满也, 然而有所谓一。心未尝不动也, 然而有所谓静。人生而有知, 知而有志。志也者, 臧也。然而有所谓虚, 不以所已臧害所将受, 谓之虚。心生而有知, 知而有异。异也者, 同时兼知之。同时兼知之, 两也。然而有所谓一, 不以夫一害此一, 谓之壹。心卧而梦, 偷则自行, 使之则谋, 故心未尝不动也。然而有所谓静, 不以梦剧乱知谓之静。(《荀子》)
3. 世或谓罔两待影, 影待形, 形待造物者。请问: 夫造物者有耶? 无耶? 无也, 则胡能造物哉? 有也, 则不足以物众形。故明众形之自物, 而后始可与言造物耳。是以涉有物之域, 虽复罔两, 未有不独化于玄冥者也。故造物者无主, 而物各自造。物各自造, 而无所待焉, 此天地之正也。(郭象《庄子注》)
4. 大其心则能体天下之物。物有未体, 则心为有外。世人心, 止于闻见之狭。圣人尽性, 不以闻见牾其心。其视天下, 无一物非我。孟子谓尽心知性知天以此。天大无外, 故有外之心, 不足以合天心。见闻之知, 乃物交而知, 非德性所知。德性所知, 不萌于见闻。(张载《正蒙》)
5. 学者须先识仁。仁者浑然与物同体, 义礼智信皆仁也。识得此理, 以诚敬存之而已; 不须防检, 不须穷索。若心懈, 则有防; 心苟不懈, 何防之有? 理有未得, 故须穷索; 存久自明, 安待穷索? 此道与物无对, 大不足以明之。天地之用, 皆我之用。孟子言万物皆备于我, 须反身而诚, 乃为大乐。若反身未诚, 则犹是二物有对, 以己合彼, 终未有之, 又安得乐? 《订顽》意思乃备言此体, 以此意存之, 更有何事! 必有事焉而勿正, 心勿忘, 勿助长, 未尝致纤毫之力, 此其存之之道。若存得便合有得, 盖良知良能, 元不丧失, 以昔日习心未除, 却须存习此心, 久则可夺旧习。此理至约, 惟患不能守。既能体之而乐, 亦不患不能守也。(程颢《遗书》)

考试完毕, 试题和草稿纸随答题纸一起交回。

第 1 页 共 1 页